



საქართველოს მთავრობის დადგენილება

N 475 2017 წლის 27 ოქტომბერი ქ. თბილისი

სატრანსპორტო საშუალებათა რეგისტრაციის მოწმობის ფორმის
დამტკიცების შესახებ

მუხლი 1. „საგზაო მოძრაობის შესახებ“ საქართველოს კანონის 53-ე მუხლის 10¹ პუნქტის, 63-ე მუხლის 1¹ პუნქტისა და „საქართველოს მთავრობის სტრუქტურის, უფლებამოსილებისა და საქმიანობის წესის შესახებ“ საქართველოს კანონის მე-6 მუხლის პირველი პუნქტის შესაბამისად, დამტკიცდეს თანდართული სატრანსპორტო საშუალებათა რეგისტრაციის მოწმობის ფორმა.

მუხლი 2. ამ დადგენილების ამოქმედებამდე გაცემულ „სატრანსპორტო საშუალებათა მართვის უფლების მოწმობისა და სატრანსპორტო საშუალებათა სარეგისტრაციო მოწმობის ნიმუშების დამტკიცების შესახებ“ საქართველოს პრეზიდენტის 2005 წლის 22 ნოემბრის №955 ბრძანებულების პირველი პუნქტით დამტკიცებული ნიმუშის სატრანსპორტო საშუალებათა სარეგისტრაციო მოწმობებსა და „სატრანსპორტო საშუალებათა რეგისტრაციის მოწმობის ფორმის დამტკიცების შესახებ“ საქართველოს პრეზიდენტის 2013

წლის 10 იანვრის №12 ბრძანებულების პირველი პუნქტით დამტკიცებული ნიმუშის სატრანსპორტო საშუალებათა რეგისტრაციის მოწმობებს იურიდიული ძალა შეუნარჩუნდეს მათი მოქმედების ვადით.

მუხლი 3. 2006 წლის 1 აპრილამდე გაცემულ სატრანსპორტო საშუალებათა სარეგისტრაციო მოწმობებს იურიდიული ძალა შეუნარჩუნდეთ 2018 წლის 1 იანვრამდე.

მუხლი 4. დადგენილება ამოქმედდეს 2017 წლის 1 ნოემბრიდან.

პრემიერ-მინისტრი



გიორგი კვირიკაშვილი


 დამტკიცებულია
 საქართველოს მთავრობის
 2017 წლის 27 ოქტომბრის
 № 475 დადგენილებით

სატრანსპორტო საშუალებათა რეგისტრაციის მოწმობის ფორმა

მუხლი 1. სატრანსპორტო საშუალებათა რეგისტრაციის მოწმობა

1. სატრანსპორტო საშუალებათა რეგისტრაციის მოწმობა (შემდგომში – რეგისტრაციის მოწმობა) მზადდება ლამინირებული პოლიკარბონატის (შეურეველი, სუფთა პოლიკარბონატი) ფირფიტისაგან, მრავალმრიანი ტექნოლოგიით, ბარათის ფირფიტის გამოყენებით, დაწყობილი და ლამინირებული ერთიან მონოსხეულად სიმხურვალისა და წნევის პირობებში.

2. ISO/IEC 7810-ის მიხედვით მოწმობის ნომინალური ზომებია: სიგანე: 85.60 მმ (85.47 მმ – 85.72 მმ, ISO/IEC 7810), სიგრძე: 54.00 მმ (53.92 მმ – 54.03 მმ, ISO/IEC 7810), სისქე: 0.80 მმ (0.76 მმ – 0.84 მმ, ISO/IEC 7810).

მუხლი 2. რეგისტრაციის მოწმობის დიზაინი

1. რეგისტრაციის მოწმობის წინა მხარე, ავერსი – სურათი №1.
2. რეგისტრაციის მოწმობის უკანა მხარე, რევერსი – სურათი №2.

მუხლი 3. რეგისტრაციის მოწმობის მონაცემები

რეგისტრაციის მოწმობაში აისახება:

- ა) (A) რეგისტრაციის ნომერი;
- ბ) (B) სატრანსპორტო საშუალების გამოშვების წელი;

გ) (I) რეგისტრაციის თარიღი – გრაფაში მიეთითება სატრანსპორტო საშუალების ბოლო რეგისტრაციის თარიღი;

დ) რეგისტრაციის მოწმობის უნიკალური ნომერი (ნომერი მიეთითება მოწმობის წინა მხარეს, ქვედა მარცხენა ნაწილში);

ე) (C.1) მონაცემები რეგისტრაციის მოწმობის მფლობელის შესახებ:

ე.ა) (C.1.1) გვარი ან ორგანიზაციის სახელწოდება;

ე.ბ) (C.1.2) სახელი;

ე.გ) (C.1.3) საქართველოში რეგისტრაციის ან დროებითი რეგისტრაციის ადგილი;

ე.დ) (C.1.4) პირადი ნომერი ან საიდენტიფიკაციო კოდი;

ვ) (C.4) სატრანსპორტო საშუალების რეგისტრაციისას ასახული მოწმობის მფლობელის უფლება ნივთზე, რომელიც აღინიშნება შემდეგნაირად:

ვ.ა) (a) სატრანსპორტო საშუალების მესაკუთრე (ან თანამესაკუთრე) – მიეთითება კანონმდებლობით დადგენილი წესით სატრანსპორტო საშუალების მესაკუთრეზე (ან თანამესაკუთრეზე) რეგისტრაციისას;

ვ.ბ) (b) არ არის სატრანსპორტო საშუალების მესაკუთრე – მიეთითება:

ვ.ბ.ა) საქართველოს სახელმწიფო ხელისუფლების, აფხაზეთის ავტონომიური რესპუბლიკის, აჭარის ავტონომიური რესპუბლიკის ან ადგილობრივი თვითმმართველობის ორგანოსათვის, საჯარო სამართლის იურიდიული პირისათვის ან სახელმწიფო საქვეუწყებო დაწესებულებებისათვის, აგრეთვე საქართველოს სამოციქულო ავტოკეფალური მართლმადიდებელი ეკლესიისათვის სარგებლობაში (უსასყიდლოდ) გადაცემულ სატრანსპორტო საშუალებათა რეგისტრაციისას;

ვ.ბ.ბ) სახელმწიფო ან ადგილობრივი თვითმმართველობის კუთვნილი იმ სატრანსპორტო საშუალებათა რეგისტრაციისას, რომლებიც აუქციონის გარეშე სარგებლობაში (უსასყიდლოდ) გადაეცათ საერთაშორისო ორგანიზაციებს;

ვ.ბ.გ) ამ პუნქტის „ვ.ბ.ა“ და „ვ.ბ.ბ“ ქვეპუნქტებით განსაზღვრული შემთხვევების გარდა, პირისათვის სარგებლობაში გადაცემული სატრანსპორტო საშუალების სარგებლობის უფლებით რეგისტრაციისას;

ვ.გ) (c) რეგისტრირებულია მესაკუთრის იდენტიფიცირების გარეშე – მიეთითება კანონმდებლობით დადგენილი წესით სატრანსპორტო საშუალების დროებითი რეგისტრაციისას;

ზ) (H) მოწმობის გაუქმების თარიღი – მიეთითება თარიღი, როდესაც მოწმობას ეწურება მოქმედების ვადა. იმ შემთხვევაში, თუ მოწმობა გაიცემა მოქმედების განუსაზღვრელი ვადით, აღნიშნულ გრაფაში გაეცლება მოკლე ჰორიზონტალური ხაზი;

თ) (D) სატრანსპორტო საშუალება:

თ.ა) (D.1) მარკა;

თ.ბ) (D.2) ტიპი;

თ.გ) (D.3) მოდელი;

ი) (E) სატრანსპორტო საშუალების საიდენტიფიკაციო ნომერი;

კ) (F) სატრანსპორტო საშუალების მასასთან დაკავშირებული მონაცემები:

კ.ა) (F.1) სრული მასა (მონაცემის ასახვა სავალდებულოა ტვირთის გადაზიდვისათვის განკუთვნილი სატრანსპორტო საშუალების რეგისტრაციის შემთხვევაში);

კ.ბ) (F.2) ნებადართული მაქსიმალური მასა (მონაცემის ასახვა სავალდებულოა ტვირთის გადაზიდვისათვის განკუთვნილი სატრანსპორტო საშუალების რეგისტრაციის შემთხვევაში);

ლ) (G) დაუტვირთავი მასა (მონაცემის ასახვა სავალდებულოა ტვირთის გადაზიდვისათვის განკუთვნილი სატრანსპორტო საშუალების რეგისტრაციის შემთხვევაში);

მ) (P) სატრანსპორტო საშუალების ძრავასთან დაკავშირებული მონაცემები:

- მ.ა) (P.1) ძრავის მოცულობა (სმ³-ობით);
- მ.ბ) (P.2) მაქსიმალური სიმძლავრე (კვტ-ობით) – აისახება ასეთი მონაცემის არსებობის შემთხვევაში;
- მ.გ) (P.3) საწვავის ტიპი ან ენერჯის წყარო;
- მ.დ) (P.5) ძრავის საიდენტიფიკაციო ნომერი;
- ნ) (Q) სიმძლავრე/წონის ფარდობა (კვტ/კგ-ობით) – მონაცემი აისახება მხოლოდ მოტოციკლის რეგისტრაციისას;
- ო) (R) სატრანსპორტო საშუალების ფერი;
- პ) (S) ადგილების რაოდენობა:
 - პ.ა) (S.1) დასაჯდომი ადგილების რაოდენობა, მძღოლის ადგილის ჩათვლით;
 - პ.ბ) (S.2) დასადგომი ადგილების რაოდენობა – მონაცემი აისახება მხოლოდ მგზავრთა გადაყვანისათვის განკუთვნილი იმ სატრანსპორტო საშუალების რეგისტრაციისას, რომლის კონსტრუქცია ითვალისწინებს ფეხზე მდგომ მგზავრთა გადაყვანის შესაძლებლობას.

მუხლი 4. უსაფრთხოების მახასიათებლები

1. რეგისტრაციის მოწმობა უნდა შეიცავდეს უსაფრთხოების შემდეგ მახასიათებლებს:
 - ა) ცისარტყელისებური ბეჭდვა;
 - ბ) საიდენტიფიკაციო (ქართულ-ინგლისური) წარწერების დატანა ლაზერული გრავირების მეთოდით;
 - გ) სხვადასხვა ტიპის ისეთი სტრუქტურების ბეჭდვა, რომლებიც არ ექვემდებარება ფოტოკოპირებასა და სკანირებას, რომლებიც მთლიანობაში შექმნის ბარათის დამცავ ბადეს;
 - დ) ფონში, რომელიც არ ექვემდებარება ფოტოკოპირებასა და სკანირებას, ინტეგრირებული მიკროტექსტი;
 - ე) რელიეფური (ამოტვიფრვის გზით) დაბეჭდილი მიკროტექსტი;

ვ) ვაზის ქართული ორნამენტი (ავერსის მარცხენა მხარეს, მთელ კიდეზე ვერტიკალურად გასდევს ქართული ორიგინალური ორნამენტი);

ზ) ხელოვნური ორთოგრაფიული შეცდომა;

თ) ულტრაიისფერი მელანი (რეგისტრაციის მოწმობაზე ულტრაიისფერი მელნით დატანილი გამოსახულებები უხილავია ჩვეულებრივი განათების პირობებში და ხილული ხდება ულტრაიისფერი გამოსხივების ქვეშ);

ი) საღებავი, რომელიც სხვადასხვა კუთხიდან შეხედვისას იცვლის ფერს (ავერსზე, ქვედა მარჯვენა კუთხეში გამოსახულია სააგენტოს ლოგო, რომელიც სხვადასხვა კუთხიდან შეხედვისას იცვლის ფერს);


კ) რელიეფური (ამოტვიფრული) სტრუქტურით შექმნილი გამოსახულება;

ლ) ტვიფრული ნიშანი, ე.წ. „2D ბარკოდი“.

2. უსაფრთხოების მახასიათებლების რეგისტრაციის მოწმობაზე დატანის პირობებს განსაზღვრავს საჯარო სამართლის იურიდიული პირი – საქართველოს შინაგან საქმეთა სამინისტროს მომსახურების სააგენტო.

3. საჯარო სამართლის იურიდიული პირი – საქართველოს შინაგან საქმეთა სამინისტროს მომსახურების სააგენტო უფლებამოსილია, რეგისტრაციის მოწმობის დამზადებისას გამოიყენოს უსაფრთხოების დამატებითი მახასიათებლები.

№1 სურათი



№2 სურათი

